

"Contratar un asesor enerxético para as explotacións axuda a reducir o custo da factura eléctrica"

A Asesoría Enerxética Terra Chá (Vilalba, Lugo) está especializada no campo da eficiencia enerxética. O seu equipo técnico ten por obxectivo ofrecerlles aos seus clientes unha asesoría técnica a través de estudos, diagnósticos, auditorías e servizos orientados á xestión e á eficiencia enerxética. A CEO da empresa, Pilar Novo, explica en que consiste o seu traballo e fala sobre a importancia de contar cos seus servizos nas granxas.



En
vídeo



Cal é o consumo enerxético medio dunha gandería de vacún de leite?

O consumo medio dunha gandería depende do tamaño da explotación, das maquinarias utilizadas nela e das cabezas que poida ter en muxido. Baseándonos nas explotacións nas que traballamos, con ao redor de 200 cabezas en muxido, podiamos falar duns 70.000 kW anuais que, traducidos a un importe en euros, oscilaría sobre os 14.000 euros ao ano.

É posible negociar coas comercializadoras as tarifas aplicadas ou o importe final da factura?

Por suposto. Niso consiste precisamente o traballo dun asesor enerxético. Realizamos un estudo adaptado ás necesidades de cada cliente, negociando, por tanto, as tarifas, así como o importe da factura de electricidade, ademais de poñernos a disposición de calquera tipo de consulta, dúbida ou aclaración que puidese xurdir coa factura da electricidade. Cun punto moi importante, que é saber o que vende a competencia para poder apertar un pouco ás comercializadoras e poder darlles os mellores prezos aos nosos clientes.

Pode interesar adaptar o muxido aos horarios das tarifas eléctricas?

Economicamente sempre é rendible adaptar os consumos eléctricos ás horas de menor custo. Outra cousa é que sexa operativo, xa que non todas as actividades se poden encaixar nesa franxa horaria.

Que elementos podemos incorporar ás granxas para reducir o consumo eléctrico?

Se buscamos reducir o importe da factura da electricidade, poderíamos falar de iluminación LED, da correc-

ción de enerxía reactiva instalando baterías automáticas de condensadores e, por suposto, da instalación de placas solares para autoconsumo.

É rendible instalar sistemas de enerxías alternativas nas explotacións?

Si, sempre deberíamos realizar un estudo para instalar sistemas de enerxía alternativos.

Cales recomendaría e por que?

Sen ningún tipo de dúbida, a enerxía solar fotovoltaica, xa que reduciría de forma moi importante os consumos que demanda a rede eléctrica exterior.

É rendible para as ganderías incluír un asesor enerxético?

Si. Evidentemente, tanto en ganderías como a gran maioría das empresas contratan asesores fiscais, laborais, contables... e, no caso das explotacións, nutrólogos, pero poucos caen na conta de contratar un asesor enerxético que, co gasto tan importante que representa a facturación da electricidade, lles axudaría. Nós estamos para tratar de reducir ese custo e para axudar a que sexa un pouco máis fácil interpretar a factura da electricidade.

Como se pode acceder a estes servizos?

Nós estamos situados na praza da Constitución de Vilalba (Lugo), pero, como traballamos para todo o territorio nacional, poderían contactar connosco a través do noso correo electrónico, info@enerxiaterracha.es, ou no teléfono 982 512 233.